



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

25 դեկտեմբերի 2025 թվականի N 1978 - Ն

ԱՌՈՂՋՈՒԹՅԱՆ ՀԱՄԸՆԴՀԱՆՈՒՐ ԱՊԱՀՈՎԱԳՐՈՒԹՅՈՒՆ ՈՒՆԵՆԱԼՈՒ
ՊԱՀԱՆՁԸ ԸՆՏԱՆԻՔԻ ԱՆԱՊԱՀՈՎՈՒԹՅԱՆ ՄԻԱՎՈՐ ԿԱՄ ԱՍՏԻՃԱՆ
ՈՒՆԵՑՈՂ ԸՆՏԱՆԻՔԻ ԱՆԴԱՄԻ ՎՐԱ ՏԱՐԱԾԵԼՈՒ ԴԵՊԲԵՐԸ ԵՎ ԿԱՐԳԸ
ՍԱՀՄԱՆԵԼՈՒ ՄԱՍԻՆ

Ղեկավարվելով «Առողջության համընդհանուր ապահովագրության մասին»
օրենքի 11-րդ հոդվածի 2-րդ մասի 10-րդ կետով՝ Հայաստանի Հանրապետության
կառավարությունը ո Ր Ո Շ ՈՒ Մ է.

1. Առողջության համընդհանուր ապահովագրություն ունենալու պահանջը
տարածվում է սոցիալապես անապահով այն ընտանիքի՝ Հայաստանի Հանրապե-
տության քաղաքացի և ռեզիդենտ անդամի վրա, որը հանդիսանում է ընտանիքի
անապահովության գնահատման համակարգում ընդգրկված 28.01 և ավելի բարձր
անապահովության միավոր ունեցող նպաստառու կամ «Պետական նպաստների
մասին» օրենքով և Հայաստանի Հանրապետության կառավարության որոշմամբ
սահմանված կարգով ընտանիքի մեկ հաշվարկային անդամի ամսական եկամտի
չափն անապահովության նպաստ ստանալու իրավունք տվող սահմանային շեմի

130 տոկոսի արժեքից ցածր ամսական եկամուտ ունեցող և ընտանիքի անապահովության գնահատման կարգով սոցիալապես անապահով ճանաչված ընտանիքի անդամ:

2. Սույն որոշման 1-ին կետով սահմանված՝

1) անապահով ընտանիքի անդամների վերաբերյալ տեղեկատվությունը տրամադրվում է սոցիալական պաշտպանության միասնական տեղեկատվական համակարգի սպասարկման և վարման լիազորած կազմակերպության կողմից՝ Հայաստանի Հանրապետության կառավարության փոխգործելիության հարթակի միջոցով.

2) ընտանիքի անդամի նույնականացման համար կիրառվում են հանրային ծառայությունների համարանիշը կամ հանրային ծառայությունների համարանիշ չունենալու մասին տեղեկանքի համարը կամ անձը հաստատող փաստաթղթի տվյալները (սերիան և համարը):

3. Սույն որոշումն ուժի մեջ է մտնում 2026 թվականի հունվարի 1-ից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան